



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

20. De 2. & 3. excommunicatione in Bulla Cœnæ.

urn:nbn:de:hbz:466:1-40916

*De secunda, & tertia excommunicatione in Bulla
Cœna contentis.*

C A P V T X X .

Secunda excommunicatio fulminatur contra tria gentes personarum, nempe appellantium ad futurum Concilium ab ordinationibus, sententijs, seu mandatis Summi Pontificis, dantum ad hoc consilium, & dantum etiam auxilium vel fauorem. In qua excommunicatione nonnulla sunt notanda.

Primò, duo esse verba, nempe, Excommunicamus, & Interdicimus. Prius referuntur ad personas; posterius ad Vniuersitates, Collegia, & Capitula appellantia, vel dantia auxilium, & consilium; haec enim non possunt excommunicari, ut habetur e. Romana de sen. excom. in 6. ob id interdicuntur. At personæ cuiuscunq; conditionis gradus, vel status excommunicantur.

Secundò, haec excommunicatio contra eadem tria gentes personarum est antiqua, lata, & reseruata à Pio Secundo confirmata a Iulio Secundo, cuius extra viagantis membra Caiet. verb. excommunicatio. cap. 25. & Silu. ver. excomm. num. 93.

Tertia excommunicatio lata est contra omnes Pyratas, Cursarios, & Latrunculos maritimos discurrentes mare Ecclesiæ, præcipue a Monte Argentario, usque ad Tarracinam, & contra coruindem fauatores, receptatores, & defensores. In declarationem huius nonnulla dubia occurunt.

Primum est; Quis sit dicendus Pyrata. Ad quod Ang. verb. Pyrata responderet, Pyratam esse, quicunque in mari, vel flumine deprædatur: si in mari, dicitur marinus, & excommunicationem hanc incurrit: si in flumine, est fluminalis, & non incurrit eam, quia contra maritimos fulminata est. Silu. autem ver. excom. 7. §. 56. non recipit hoc: putat enim, tria esse necessaria ad Pyratam.

Primum est, indifferentia spoliandorum, id est, ut non tantum vnius nationis homines deprædetur, sed indifferentes homines, siue vnius, siue alterius nationis, vnde Genueses spoliantes olim solos Venetos, non censebantur Pyratæ.

Secun-

Secundum est, intentio principalis; si enim aliqui Mercatores, suæ negotiatio[n]i incumbentes, in itinere spoliant aliquos, non sunt propterea Pyratae dicendi.

Tertium est, vt non sit bellum inter spoliantes, & spoliatos indictum; indicto enim bello, sive iusto, sive iniusto, non dicuntur Pyratae, quia iure, & tirullo belli, tunc spolium fit. Cum Silu. consentit Tabien. verb. excommunicatio. s. casu. 25. nu. 4. Ego secundam, & tertiam conditiones puto esse necessarias; sed non primam: nam spoliantes hos, vel illos, etiam si unius nationis essent Pyratae dicentur. Denique qui principaliter versantur in deprædando in mari, dicuntur Pyratae, aut Latrunculi, aut Cursarii maritimi, sive hæc idem, sive diuersa significant: sub his enim vocibus omne genus, talium latruncularum, & deprædatorum comprehenditur.

Aduertendum autem est, hanc excommunicationem restrictiorem esse, quam in alijs Bullis; prius enim excommunicabantur omnes Pyratae, Cursarii, Latrunculi maritimi, & illi præcipue, qui in mari, à Monte Argentario, usque ad Tarracinanum discurrebant. At nūc ablata est illa particula (&) sequensque verbum non copular, sed restringit præcedens, nempe illos maritos excommunicari, qui discurrunt mare Ecclesiæ, præcipue à monte Argentario, usque ad Tarracinam. Cæteri tamen non comprehenduntur in hac Bulla; sicut nec qui in fluminibus deprædantur, vt dicimus inferius. Verba Bullæ sunt hæc. (Item excommunicamus, & anathematizamus omnes Pyratas, & Cursarios, ac Latrunculos maritos, discurrentes mare nostrum, præcipue à monte Argentario, usq; ad Tarracinam, ac omnes eorum factores, receptatores, & defensores.) In alijs vero Bullis sic habebatur. (Item excommunicamus, & anathematizamus omnes Pyratas, Cursarios, Latrunculos maritos, & illos præcipue, qui mare nostrum à Monte Argentario, usque ad Tarracinam discurrendo, & nauigantes in illo deprædari, mutillare, interficere, acrebus, & bonis suis spoliare præsumpserunt, hæcerunt, & præsumunt, ac omnes receptatores eorundem, & eis auxiliandum scienter dantes, & lassos.

Aliud dubium est, an incident in excommunicationem hæc Pyratae, statim ac mare discurrendo incipiunt. Caiet. verb. ex-commu. c. 18. respondet, quod non; sed est necessaria una harum actionum, deprædari, mutillare, aut interficere, aut spoliare bonis suis aliquem. Si autem, vel semel horum aliquid fecerint, excommunicati sunt. Hæc tamen doctrina non habet locum in Bulla hac, in qua actio discurrendi sola exprimitur,

quæ sufficit, etiam si nulla alia sequatur. Aduertere procederet
sta de Pyratis, qui Christianos expoliant, non de his, qui infi-
deles.

Aliud dubium est, an isti iure antiquo fuerint olim exco-
municati: dico cum Silu. loco citato, & cum alijs communite-
Doct. quod non, sed erant excommunicandi, vt habetur cap. ex
communicationi. de rap. vbi dicitur, excommunicationi sub-
dentur, qui Romanos, aut Christianos nauigio vectos pro-
negotiatione, vel alijs honestis causis, capere, aut bonis suis spo-
liare præsumunt; Quæ excommunicatio ex una parte minu-
lata est, quam quæ nunc habetur in hac Bulla, quia non com-
plectitur discurrentes tantum; sed eos, qui aliquid ex narran-
actionibus faciunt. Ex altera tamen parte latior est, quia com-
plectitur quo secumque Pyratas maritimos, vel fluminales, vbi
cumque deprædentur: non autem solos mare tantum Ecclesiæ
discurrentes: complectitur eos, qui deprædantur, spoliare
&c. nauigantes quocumque modo, & quacumque de causa, e-
iam non honesta.

Aliud dubium est, an qui in mari versantur, & flumen
grediuntur, vt alios deprædentur, sint in hac Bulla exco-
municati. Respondeo affirmatiuè: nam maritimi Pyratae
cuntur; non vero, qui solum in fluminibus deprædantur, sicut
dicit Ang. ver. Pyrata.

Receptatores horum Pyratarum, auxilium dantes eis, an
fauorem, sunt etiam excommunicati. Quæ sunt intelligen-
da, iuxta dicta in prima excommunicatione. Olim appone-
bantur dantes consilium, sed modo ablatum est verbum
comprehenduntur enim sub auxilio. I. qui scrivo. §. plus. Pom-
po. ff. de furt. Barto. in l. non solum, §. si mandato. numer. 17. ff.
de iniur.

*De quarta, & quinta excommunicatione in Bulla
Cœna contenta.*

C A P V T . X X I .

Quartæ excommunicatio fertur contra eos, qui sum-
piunt Christianorum naufragantium bona, siue in na-
uibus existentia, siue ex eisdem ciecta, siue in littore in-
uenta, cuiuscumque generis bona sint, & in quocumque man-
Nec contra hauc excommunicationem priuilegium, aut con-

suetu-